



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 15.06.2022

Presidi: Peer-Puorger Victor

Partecipant/s: Riatsch-Fedi Fadri
Cantieni-Lanfranchi Andri
Caviezel-Domenig Ursina
Kirchen-Werro Armon

S-chüsà:

Protocol: Oswald Gian Claudio

Fabrica: Paulmichl-Rodigari Albin

Gias/s:

tractandas	tema	responsabel
1	0120 Executiva Acconsentimaint protocol	tuots
2	0220 Uffizi da fabrica Dum. da fabrica no. 035/2022, sanaziun dal tet da la chamonna, Carpanetti Gisep, parcella no. 11688, Plan Lung 238A, 7557 Vnà	vp/ap
3	0220 Uffizi da fabrica Dum. da fabrica no. 043/2021, halla da parcar, duos suosts per maschinas ed annex per tecnica e persunal, Mathieu Bohrunternehmung AG, parcella no. 353, Quadra Secha, 7556 Ramosch	vp/ap
4	0220 Uffizi da fabrica Dum. da fabrica no. 006/2022, garascha suotterrana dubla, Fouquet Flurin, parcella no. 28, Favgia, 7557 Vnà	vp/ap
5	0220 Uffizi da fabrica Dum. da fabrica no. 012/2022, grascha illa stalla (porta vers ost), Caprez Schennach Rita und Deflorin-Caprez Lea Angela, parcella no. 429, Seraplana 128, 7558 Strada	vp/ap

6	0220 Uffizi da fabrica Dum. da fabrica no. 026/2022, sanaziun dal tet da la chasa, Pfister Not, parcella no. 6203, Las Rossas 1-152, 7558 Strada	vp/ap
7	0220 Uffizi da fabrica Dum. da fabrica no. 027/2022, collecturs solars fatschada süd, Denoth Marco, parcella no. 323, Sot Baselgia 27, 7556 Ramosch	vp/ap
8	0220 Uffizi da fabrica Dum. da fabrica no. 028/2022, pompa da chalur cun fouras geotermicas, Denoth-Riatsch Barbla, parcella no. 267, Schilana 79A, 7556 Ramosch	vp/ap
9	0220 Uffizi da fabrica Dum. da fabrica no. 030/2022, müdamaint da fanestras in portas da balcon, ingrondimaint da la piazza da tschantar (mür mort), rimplazzamaint da la saiv, Huber Bruno, parcella no. 6142, La Foppa 1-167A, 7558 Strada	vp/ap
10	0220 Uffizi da fabrica Dum. da fabrica no. 034/2022, sanaziun da la chasa (don da fö), ingrondimaint da la surfatscha d'abitar i'l tablà, pompa da chalur dad ajer ed aua, Nussreiner Georg, parcella no. 6277, Piazza 1-225, 7560 Martina	vp/ap
11	0220 Uffizi da fabrica Dum. da fabrica no. 009/2022, sanaziuns chasa d'abitar, ingrondimaint da la surfatscha d'abitar i'l palantschin, garascha i'l tablà, pompa da chalur cun fouras geotermicas, Misteli Jonas und Misteli-Schlumpf Eva, parcella no. 6430, Samalgors 1-75, 7559 Tschlin	vp/ap
12	0220 Uffizi da fabrica Dum. da fabrica no. 019/2022, chasa d'abitar cun duos abitaziuns, local da deposit, pompa da chalur dad ajer ed aua, Legner Markus e Schmitz Jennifer, parcella no. 4930, Salina, 7556 Ramosch	vp/ap
13	7710 Sunteri e sepultura Sunteris Valsot Sanaziun dal mür dal sunteri a Ramosch / dumonda da credit da fr. 35'000	vp/ap
14	7900 Planisaziun dal territori Drets da fabrica Transmissiun dal dret da fabrica, parcella no. 483, da la ditta chau chau AG a la ditta BellaChasa SA	vp/go
15	0210 Administraziun cumünala Parc da la natüra Proget da cuntinuaziun	tuots
16	0120 Executiva Orientaziuns	tuots

0120 Executiva

17

Varia (suprastanza cumünala)

tuots

0120 Executiva

98 Acconsentimaint protocol

Il protocol da la sezzüda dals 3 da gün 2022 vegn approvà.

0220 Uffizi da fabrica

99 Dum. da fabrica no. 035/2022, sanaziun dal tet da la chamonna, Carpanetti Gisep, parcella no. 11688, Plan Lung 238A, 7557 Vnà

Il manader tecnic spiega l'intent dal petent, quel prevezza da realisar üna sanaziun dal tet e da rimplazzar quel. Il tet nouv vegn construi in arom, uschè ch'el as cunfà cul aspet da la chamonna ed accumplischa a listess mumaint las prescripziuns da fabrica.

La suprastanza va d'accord cul intent e decida da conceder il permiss da fabrica.

0220 Uffizi da fabrica

100 Dum. da fabrica no. 043/2021, halla da parcar, duos suosts per maschinas ed annex per tecnica e persunal, Mathieu Bohrunternehmung AG, parcella no. 353, Quadra Secha, 7556 Ramosch

Il manader tecnic orientescha sur da l'intent dal petent. Quel ha inoltrà, davo ch'el vaiva fingià surgni ün permiss da fabrica pel intent, ün müdamaint da proget. Invezza da realisar sco previs ün local da posa ed ün büro, es uossa planisà da realisar sün quella surfatscha spazi d'abitar.

L'abitaziun cumpiglia üna stanza da durmir, üna tualetta cun duscha ed üna chadafö cun lö per tschantar e mangiar. Per quista abitaziun vala la ledscha da seguondas abitaziun, uschè cha l'adöver es restret. Tenor ledscha da fabrica cumünala das-cha be il proprietari, ün eventual pedel o ün impiegà da la ditta abitar ill'abitaziun. L'intent as cunfà eir cullas ulteriuras disposiziuns da las ledschas valablas.

La suprastanza va d'accord cul adattamaint da proget e decida da conceder il permiss necessari.

0220 Uffizi da fabrica

101 Dum. da fabrica no. 006/2022, garascha suotterrana dubla, Fouquet Flurin, parcella no. 28, Favgia, 7557 Vnà

Il manader tecnic spiega l'intent dal petent. Davo chi d'eira gnüda examinada üna dumonda preliminar quai chi riguarda la realisaziun d'üna garascha per duos autos sül terrain intuorn la chasa, ha il petent inoltrà üna dumonda concreta per quel intent. La garascha es previs da gnir realisada i'l vest-süd-vest da la chasa cunfinant culla via da quartier. Causa cha'l fabricat as rechatta da la vart da la costa suot terrain, nu bsögna ingünas cunvegna cun proprietari da parcellas vaschinas. A dretta ed a schneistra da l'entrada da garascha vegnan realisats mürs investits cun crappa.

La suprastanza va d'accord culla dumonda e decida da conceder il permiss necessari.

0220 Uffici da fabrica

- 102 Dum. da fabrica no. 012/2022, grascha illa stalla (porta vers ost), Caprez Schennach Rita und Deflorin-Caprez Lea Angela, parcella no. 429, Seraplana 128, 7558 Strada**

Il manader tecnic spiega l'intent da las petentas. Quellas vaivan fingià inoltrà diversas variantes pella realisaziun d'una garascha per autos in lur chasa, quellas tuottas cun ün'entrada illa fatschada süd. Quels intents nu's cunfaivan cullas pretaisas e nu han uschè tschüf ün permiss. Eir il proget actual es gnü valütà da la cusgliadra da fabrica. Tenor quella valütaziun po gnir concess il permiss necessari, in resguardand ün per cundiziuns. Quellas prevezzan cha las masüras da fabrica han da's drizzar davo la simmetria da la lobia existenta, cha tuot las installaziuns da rinforzament han da gnir fattas da maniera filigrana e la porta da la garascha ha da gnir investida cun lain. Intern vegnan allontanats ün per mürs, per chi detta eir avuonda spazi per parcar autos. Ils permiss supplementars necessariis sun avantman.

La suprastanza va d'accord cul intent e decida da conceder il permiss.

0220 Uffici da fabrica

- 103 Dum. da fabrica no. 026/2022, sanaziun dal tet da la chasa, Pfister Not, parcella no. 6203, Las Rossas 1-152, 7558 Strada**

Il manader tecnic spiega l'intent dal petent. Quel prevezza da rimplazzar il tet existent da sia chasa. Il tet nouv vegn construi cun üna vetta d'isolaziun da 20 cm, ed accomplischa uschè eir las pretaisas davart da la ledscha d'energia. La vetta visibla dal tet vegn realisada cun blech (Uginox). La suprastanza va d'accord culla dumonda e decida da conceder il permiss. Insembel cul permiss vegn il petent oblià da schoglier la problematica cullas chanals dal tet chi culan sülla via cumünala e chaschunan d'inviern problems. Quellas han da gnir tachadas correctamaing vi da l'infrastructura cumünala d'aua meteora.

0220 Uffici da fabrica

- 104 Dum. da fabrica no. 027/2022, collecturs solars fatschada süd, Denoth Marco, parcella no. 323, Sot Baselgia 27, 7556 Ramosch**

Il manader tecnic spiega l'intent dal petent. Quel ha inoltrà la dumonda per installar 4 collecturs solars per aua choda vi da sia chasa a Ramosch, mincha elemaint masüra üna largezza da 2.15m. Per quel intent vaiva el fingià fat üna dumonda preliminar, uschè cha davart dal cumün as vaiva pudü valütar la situaziun e tour posiziun. L'installaziun es previsa da realisar sülla fatschada süd-ost, e quai vi da la fatscha il plan giosom.

La suprastanza maina üna vasta discussiun quai chi riguarda la montascha da collecturs solars vi da la fatschada da stabiliments chi's rechattan illa zona da cumün. Tenor ledscha futura nun es quai admiss. Uschè nu das-cha la suprastanza conceder ün permiss. La dumonda ha da gnir sistida. A'l petent vegn in ün prüm pass sporta l'udida giuridica.

0220 Uffici da fabrica

- 105 Dum. da fabrica no. 028/2022, pompa da chalur cun fouras geotermicas, Denoth-Riatsch Barbla, parcella no. 267, Schilana 79A, 7556 Ramosch**

Il manader tecnic spiega l'intent da la petenta. Quella prevezza da rimplazzar il s-chodamaint da la chasa cun üna pompa da chalur cun fouras geotermicas. Pel s-chodamaint bsögna duos fouras da 130 meters chafuollezza. Ils permiss supplementars sun avantman.

La suprastanza va d'accord cul intent e decida da conceder il permiss.

0220 Uffici da fabrica

- 106 Dum. da fabrica no. 030/2022, müdamaint da fanestras in portas da balcon, ingrondimaint da la piazza da tschantar (mür mort), rimplazzamaint da la saiv, Huber Bruno, parcella no. 6142, La Foppa 1-167A, 7558 Strada**

Il manader tecnic spiega la dumonda inoltrada dal petent. Quel prevezza da rimplazzar la saiv intuorn chasa e la spuonda da la lobia, da refar e prolungar ün mür sech chi fuorma la piazza da tschantar chi'd es accessibla dal plan sura, e da rimplazzar üna fanestra il plan terrain cun üna porta da balcon cun trais elemaints. Las dimensiun as drizzan davo las proporziuns da la fanestra sül prüm plan. Eir il material e la culur sun simlas sco pro las fanestras existentas. La saiv vegn construida cun spizzada. Las distanzas da cunfin e las prescripziuns da fabrica sun tgnüdas aint. Per evitar cha'l mür sech vegn construi sur il cunfin da la zona oura, ha il geometer da metter giò il cunfin da la zona.

La suprastanza va d'accord cul intent e decida da conceder il permiss da fabrica.

0220 Uffici da fabrica

- 107 Dum. da fabrica no. 034/2022, sanaziun da la chasa (don da fö), ingrondimaint da la surfatscha d'abitar i'l tablà, pompa da chalur dad ajer ed aua, Nussreiner Georg, parcella no. 6277, Piazza 1-225, 7560 Martina**

Il manader tecnic spiega l'intent dal petent. Davo cha la chasa es arsa e demuossa gronds dons da fö, sun da refar diversas parts da quella. Per quist intent ha il proprietari inoltrà üna dumonda cumplessiva. Part da las lavurs fuorman las masüras per refar la part d'abitar veglia sül plan terrain ed sül plan sura, sco eir ils locals da schler i'l plan suot terrain. Sül plan terrain es previs ün ingrondimaint da la surfatscha, respectivamaing dal spazi d'abitar in fuorma d'üna stüva ed ün bogh. Quel ingrondimaint vegn realisà i'l tablà e masüra 33.14 m², quai chi correspuonda ad ün ingrondimaint da 24.77%. I'l local da l'entrada da la chasa es prevista da realisar ün pitschen local per üna tualetta. Sül plan sura vegn ingrondi il piertan tras l'allontanamaint d'ün mür. Il tet, chi'd es gnü desdrüt per gronda part dal fö, vegn construi tuottafat nouv. Las fanestras da la chasa vegnan rimplazzadas. Sül la fatschada vers il sviamaint vegn realisada sül plan terrain üna ulteriura fanestra. Tuot las fanestras vegnan construidas da maniera chi vegn mantgnü l'aspet da la chasa. Sco s-chodamaint vegn installada vi da la fatschada vers il sviamaint üna pompa da chalur dad ajer ed aua. Las savas vegnan installadas vi d'üna construcziun dad üschöls, per chi's po eir drivir quellas. Sül tet da la lobia vers vest vegnan installadas cellas solaras. Ils permiss da la pulizia da fö es avantman, unic la cumprouva d'energia manca amo. Quella as rechatta in elavuraziun. Davant chasa es prevista üna piazza da parcar cha la ledscha da fabrica valabla pretenda. La ledscha futura pretenda duos plazzas. Our da quel motiv vegn il petent intimà da resguardar cha cull'introducziun da quella ledscha vegn el oblià d'avair duos plazzas da parcar. Sch'el nun es bun da cumprovar quai, til vegn missa in quint la taxa da cumpensaziun.

La suprastanza va d'accord culla dumonda e decida da conceder il permiss necessari culla remarcha quai chi riguarda las plazzas da parcar. Il permiss po però gnir miss oura, pür cur cha tuot las actas sun cumplettas ed accomplischan las pretaisas da las ledschas valablas.

0220 Uffici da fabrica

Dum. da fabrica no. 009/2022, sanaziuns chasa d'abitar, ingrondimaint da la surfatscha d'abitar
108 i'l palantschin, garascha i'l tablà, pumpa da chalur cun fouras geotermicas, Misteli Jonas und
Misteli-Schlumpf Eva, parcella no. 6430, Samalgors 1-75, 7559 Tschlin

Il manader tecnic spiega l'intent dal petent. Quel prevezza da fabricar intuorn üna chasa ch'el appartegna sù Tschlin. Las lavurs previsas cuntegnan adattamaints da las structuradas internas e renovaziuns da parts externas, sco eir la construcziun d'üna drenascha intuorn chasa. I'l plan terrain dal tablà vegn realisada üna trocla pellas installaziuns tecnicadas ed ün local per far l'altschiva. Illa part davovart dal plan terrain vegn installada üna sauna sco eir üna tualetta ed ün local da deposit. Pels locals da schler vegnan installadas trapiartidas cun üschs. Tras il mür chi separa la chasa ed il tablà vegn realisà ün üsch. A listess mumaint es previs d'installar ün ascensur i'l tablà, quel es accessibel sün mincha plan. Inavant es previs da construir üna s-chala nouva dal plan terrain fin sül plan süsom. L'üsch d'entrada illa stalla veglia vegn adattà ed ingrondi sün üna largezza da 2.50 meters. Sül prüm plan vegnan allontanadas diversas parts existentas e realisadas novas trapiartidas. La porta d'entrada illa giassa vegn rimplazzada cun üna porta medemma. La chadafö vegn rimplazzada ed i vegn realisà ün passagi da la chadafö illa stüva. Illa cuort vegn installada üna trocla illa quala as rechatta üna tualetta. Sül plan sura vegn realisà ün bogn cun tualetta e duscha. Quel es collià culla stanza da durmir chi's rechatta daspera. Pella realisaziun da duos ulteriuras stanzas da durmir sün quel plan, vegnan eir qua allontanats mürs existents e construi novs. Tanter las duos stanzas vegn realisada üna tualetta cun duscha, quella ha ün access independent. Sül plan süsom vegnan construidas paraids per s-chaffir üna stanza da durmir e duos locals da deposit, ün da quels es accessibel tras la stanza da durmir. Eir sün quist plan es previs da realisar üna tualetta cun duscha. Dal rest daja qua ün grond local multifari. L'ingrondimaint da la surfatscha as mouva ils roms admiss. Las fanestras da la chasa vegnan rimplazzadas. I'l plan suot vegnan adattadas las masüras da las fanestras, quai però in resguardand las proporziuns da las ulteriuras fanestras ed in applicaziun da dimensiuns üsitàdas per quella sort fanestras. Üna fanestra da la chadafö, chi d'eira gnüda serrada sù, vegn drivida darcheu. Il tet vegn rimplazzà ed i vegnan construidas duos fanestras da tet ill'ala vers nord e trais ill'ala vers süd. Quellas fanestras sun construidas da maniera chi sun integradas illa construcziun dal tet. Illa lingia da las fanestras da tet sül'ala vers süd vegn realisada üna installaziun da cellas solaras. Quellas installaziuns succedan da maniera chi nu's vezza bod gnanca che chi'd es fanestra e che chi'd es ün collectur solar. Ils permiss supplementars sun avantman. La suprastanza va d'accord cul intent e decida da conceder il permiss necessari.

0220 Uffici da fabrica

Dum. da fabrica no. 019/2022, chasa d'abitar cun duos abitaziuns, local da deposit, pumpa da
109 chalur dad ajer ed aua, Legner Markus e Schmitz Jennifer, parcella no. 4930, Salina, 7556
Ramosch

Il manader tecnic spiega l'intent dals petents. Quels prevezzan da realisar üna chasa d'üna famiglia. La direcziun e la suprastanza vaivan pudü tour posiziun a chaschun d'ün'examinaziun preliminar dal proget. Pella surfatscha d'abitar, chi's cumpuona our d'üna abitaziun ed üna abitaziun integrada, es gnüda pretaisa üna decleranza da l'adöver. Uschè es eir cler, che spazi chi

vegn dovrà in che fuorma. Da quella declaraziun as lascha eir definir la quantità da las plazzas da parcar necessarias. I voul dimena 3 da quellas. Pel adöver da duos plazzas d'eira fingià gnü eret ün contrat da servitut cul vaschin. Quella regulaziun es gnüda portata aint il cudesch fundiari in fuorma d'ün servitut Uossa es previs, tenor ils plans inoltrats, da realisar ün'ulteriura piazza da parcar davant chasa. Quai chi riguarda la chasa es previs sül plan terrain da realisar duos büros ed il local pell'altschiva e la tecnica da la pompa da chalur d'ajer ed aua. Quella vegn, incunter a la racumandaziun da la dumonda preliminar, installada sur chasa. Sül plan sura es previs da realisar üna chadafö averta cun local per mangiar e stüva. Pella chadafö vegn realisada üna chaminada. Sper üna stanza da durmir vegn realisà ün local per as vestir ed üna tualetta cun duscha. Dal local da stüva e mangiar as riva sün üna lobia chi vegn realisada i'l cubus dal stabilimaint. Las distanzas da cunfin correspuondan al plan da quartier e las lavurs da contuorn sun coordinadas e regladas cul intent dal vaschin i'l vest. Ils permiss supplementars sco eir la cumprouva d'energia sun avantman, inavant as cunfà l'intent cullas ledschas valablas. Insembel cul premiss han ils petents però da gnir obliats da nu surpassar il cunfin da la zona cul s-chav e chi nun es eir na permiss da depositar material dal s-chav illa zona da prada sùtta. Quella suottasta a regulaziuns fich severas. Il geometer sto our da quel scopo gnir incumbenzà da signalisar il cunfin da la zona da prada sùtta, mo eir il cunfin cumünaivel culla parcella vaschina i'l ost da la chasa. Il gremi maina üna viva discussiun quai chi riguarda il s-chav chi bsögna pella realisaziun dal fabricat. Eir la soluziun cul parkegi sper chasa nun po gnir admiss. La suprastanza decida cha la dumonda sto gnir reponderada e quai pustüt cull'argumentaziun cha la situaziun da parcar nun es realistica. Las dimensiuns da la piazza davant chasa sun uschè pitschnas chi nun es pussibel da volver ün auto e la via d'access es fich stipa ed eir stretta. Cullas dumondas da fabrica dals petents e dals vaschins es gnü dit, cha l'access serva unicamaing per far d'inrar ün transport da material, mo na per dovrar permanent. Culs ulteriurs puncts da l'intent va la suprastanza d'accord. Per cha l'intent vegn trattà da nouv, han ils petents d'inoltrar ün nouv concept per parcar.

7710 Sunteri e sepultüra

110 Sunteris Valsot

Sanaziun dal mür dal sunteri a Ramosch / dumonda da credit da fr. 35'000

Il manader tecnic spiega a man da fotografias in che stadi cha'l mür dal sunteri a Ramosch as rechatta. Vi da plü o main tuot il mür es da constatar, chi ha dat sfessas e dons chi sun da cumadar. Otramaing regna il privel, cha'l mür crouda insembel. Implü es gnü constatà cha las plattas da carap vi dal mür da las fossas dad urnas as distachan. Pellas lavurs ha procurà il manader da la grupp da lavur ün'offerta. Sper l'import approvà cul preventiv 2022 da frs. 5'000.00 gnissan pro ulteriurs cuosts da raduond frs. 35'000.00, uschè chi stessan a disposiziun frs. 40'000.00 per refar ils dons.

La suprastanza decida d'approvar la dumonda da frs. 35'000.00 pel intent da las restoraziuns necessarias.

7900 Planisaziun dal territori

111 Drets da fabrica

Transmissiun dal dret da fabrica, parcella no. 483, da la ditta chau chau AG a la ditta BellaChasa SA

Il capo manzuna cha davart da sar Ronaldus Jakobs es gnü giavüschà da pudair transmetter il dret da fabrica sùlla parcella no. 463 illa fracziun da Ramosch, ditta chau chau SA nouv sùlla ditta BellaChasa SA chi's rechatta in seis possess ed ha il domicil legal a Valsot. Per far quel pass bsögna l'acconsentimaint davart dal cumün.

La suprastanza va d'accord cul intent e decida da dar l'acconsentimaint necessari pella transmissiun dal dret.

0210 Administraziun cumünala

112 Parc da la natüra

Proget da cuntinuaziun

Il capo orientescha cha la Regiun ha trattà la situaziun cullas lavurs quai chi riguarda il parc da la natüra. Davo chi's vaiva i'l passà dat ün'incumbenza per fuormar üna gruppa chi s'occupa cullas lavurs dal proget, han gnü lö numerusas sezzüdas. Tanter oter han eir diversas gruppas pertoccas, sco per exaimpel ils chatschaders o ils paurs, gnü occasiun da's far ün purtret da la situaziun e tour posiziun quai chi riguarda l'intent. Spera quai es gnü incumbenzà ün cusgliader giuridic cun lavurs da sclerimaints detagliats. Avant sco cuntinuar cullas lavurs as vulaiva avair tschertezza quai chi riguarda eventualas restricziuns illas differentas zonas d'ün parc da la natüra. Ils resultats da quella lavur han demuossà, chi'd es d'assumar ch'in mincha zona dal territori han las prescripziuns per ün parc da la natüra consequenzas restrictivas. Pro nus füssan per exaimpel pertocs tanter oter eventuels ingrondimaints dals implants da skis sù Motta Naluns o eir la realisaziun dad ulteriuras ouvras electricas idraulicas. La conferenza da presidents ha dimena decis da metter sün glatsch il proget e da spettar giò. La decisiun ha da gnir confermada da als suprastanzas cumünalas. Spera quai ha eir la comunicaziun da pressa preparada da gnir approvada dals cumüns.

La suprastanza maina üna vasta discussiun sur dal tema e decida da sustgnair l'opiniun da la conferenza da presidents. Implü vegn approvà eir il cuntgnü da la comunicaziun da pressa.

0120 Executiva

113 Orientaziuns

Problematica cun cunigls sù Tschlin

Il manader tecnic orientescha ch'el saja gnü contactà ad incuort repetidamaing pervi chi giran cunigls per quai d'intuorn sù Tschlin. Quels rivan aint ils üerts privats e ruinan la verdüra e la salata in quels. Inavant es gnü constatà cha'l proprietari da quels vaiva fat üna saiv e serrà aint bes-chas sper il mür dal sunteri. Quellas bes-chas han chavà suot il mür aint. Tras quai regna privel cha'l mür subischa dons.

La suprastanza decida da protrametter al chaschunader üna charta e da til render attent als problems cha seis cumport chaschunan. Ils cunigls dess el tgnair tenor las prescripziuns da la ledscha da protecciun da bes-chas, in mincha cas nu pon quels be ir libramaing per cumün suot. Quai chi riguarda il don vi dal mür dal sunteri procura il cumün ün'offerta per laschar refar ils dons. Las reparaturas ha da surtour il chaschunader.

Publicaziun plans da la via chantunala e via da Pulvetta

Il manader tecnic orientescha chi ha lö la publicaziun dals plan dal proget da sanaziun da la via da Poz fin Avant Porta e da la via da Pulvetta. El giavüscha cha'ls suprastants piglian invista ils plans ed examineschan quels minuziusamaing. Uschè as po redüer il privel da sbagls da planisaziun chi's vezzess pür d'ürant la realisaziun da las lavurs.

Tualetta publica a Strada

Il manader tecnic orientescha sur d'ün act da vandalissem illa tualetta a Strada. A man da purtrets muossa el las dimensiuns dal fat. I nun es cuntschaint chi chi'd es responsabel per quist.

Sistem d'infuormaziun per bes-chas rapazas

Andri Cantieni infuorma ch'el saja gnü contactà da sar Jöri Felix da Sent. Id es previs d'organisar bainbod ün inscunter cun rapreschantants dals cumüns e societats e quai insembel cun sar Adrian Arquint. A quel inscunter pigliarà plü co facil eir part Arno Puorger. Ils problems cha'l luf ed il uors

chaschunan in nossa regiun sun cuntschaints. Che chi nu funcziuna propa, es il chanal d'infuormaziun. Tenor l'uffizi chantunal da chatscha e pes-cha han las infuormaziuns cuntschaintas da fluir tanter ils pertocs, quai chi nun es actualmaing il cas, o almain nu funcziuna da maniera sufficiainta. Andri Cantieni infuorma cur chi'd es cuntschaint cha l'inscunter ha lö.

0120 Executiva

114 Varia (suprastanza cumünala)

Armon Kirchen

Armon ingrazcha il cumün pellas lavurs fattas sülla piazza da giovar sur Tschlin. Ils genituors ed ils uffants han grond plaschair vi da la contribuziun davart dal cumün. Culs raps da las matinadas e la contribuziun dal cumün, sco eir l'ingaschamaint dals genituors e dals uffants esa stat pussibel da realisar la bella piazza da giovar.

7556 Ramosch, 22.07.2022



Il capo:

manader administraziun.

[Handwritten signatures in blue ink]